



CONVENIO DE COOPERACIÓN ENTRE A CONSELLERÍA DO MEDIO RURAL E DETERMINADOS CONCELLOS PARA A REALIZACIÓN DE OBRAS DE INFRAESTRUTURA RURAL

MEMORIA XUSTIFICATIVA

O director xeral de Desenvolvemento Rural da Consellería do Medio Rural, **DECLARA:**

Que esta Dirección Xeral de Desenvolvemento Rural ten previsto formalizar cos concellos relacionados no cadro desta memoria o instrumento convencional arriba referido que entrará en vigor o día da súa sinatura e permanecerá vixente ata o remate da actuación contemplada no mesmo, a comunicación da recepción das obras ao Concello e a formalización da acta de entrega.

Que o instrumento convencional ten por obxecto :

A execución por parte da Consellería do Medio Rural de obras de titularidade municipal dos concellos de acordo co cadro desta memoria e destinalas a o uso público, conforme aos seus correspondentes proxectos de obra.

As obras a conveniar consisten en melloras nas vías rurais municipais nas que, dadas as súas condicións de deterioro, os concellos asinantes consideran prioritarias e urxentes. A súa finalidade é garantir a transitabilidade nunhas condicións aceptables de seguridade vial e de uso.

Así mesmo, a Consellería do Medio Rural considera importante contribuír na execución destas obras, dentro das súas dispoñibilidades orzamentarias e das súas competencias, para a mellora da calidade de vida da poboación rural.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Estes convenios encádranse dentro dun marco de actuacións urxentes en infraestruturas rurais cuxos obxectos teñen condicionantes e características que os diferencian doutras actuacións en materia de mellora das infraestruturas rurais levadas a cabo por esta Dirección Xeral e, en concreto, do Plan marco de mellora de camiños municipais de acceso a explotacións agrarias 2016:

1. Son actuacións que non necesariamente teñen que cumprir cos requisitos establecidos na medida 4.3 do PDR de Galicia, e en particular o acceso a explotacións agrarias.
2. Son actuacións financiadas con fondos propios
3. Son actuacións urxentes solicitadas polos concellos para as que a Consellería do Medio Rural accede a colaborar tanto no seu financiamento como na xestión da licitación e a execución das obras mediante a sinatura deste instrumento do convenio de colaboración

Así:

PRIMEIRO.- A Consellería do Medio Rural, en virtude do Decreto 166/2015, do 13 de novembro, é o órgano





da Administración galega encargado de propoñer e executar as directrices xerais do goberno no ámbito rural.

En exercicio das súas competencias responsabilízase de accións que teñan como obxectivo directo a mellora da calidade de vida das zonas rurais, desenvolvendo as dotacións de equipamentos públicos básicos e de infraestruturas no medio rural.

SEGUNDO.- Os concellos relacionados no cadro desta memoria presentan unha deficiente dotación de infraestruturas rurais no seu ámbito territorial producíndose carencias importantes que frean o seu desenvolvemento rural.

Proxectos	Provincia	Concello	Título	Orz. Proxecto	D. Convenio
X-13056	PONTEVEDRA	A Lama	Mellora de pavimentos en camiños da Lama	49.994,18	22/09/2016
X-13085	A CORUÑA	Dodro	Substitución de obra de drenaxe sobre o rego de Vigo - Rialíño	22.928,90	23/09/2016
X-13019	LUGO	Folgo do Courel e Pedrafita do Cebreiro	Afirmado do camiño da estrada municipal de Noceda á Teixeira ao alto do Poio	60.446,23	07/09/2016
X-12685	A CORUÑA	Mesía	Pontón sobre o río Samo no lugar de O Río - San Martiño de Cabrui	45.053,39	23/09/2016
X-13041	A CORUÑA	Noia	Arranxo pista forestal o Páramo - Límite do concello	60.449,22	12/09/2016
X-13090	LUGO	Riotorto	Mellora de accesos a explotacións agrarias en Ferreiravella (Riotorto)	38.744,81	23/09/2016
X-13021	OURENSE	San Cibrao das Viñas	obras de pavimentación no núcleo rural da Carballeira	12.674,02	19/09/2016
X-13091	LUGO	Sober	Reparación de camiños de titularidade municipal	99.708,77	23/09/2016
X-13093	LUGO	Triacastela	Mellora do viario municipal na parroquia de Vilavella	59.850,92	23/09/2016
X-13063	PONTEVEDRA	Valga	Mellora da capa de rodadura do camiño entre os lugares de Requián, Magán e Martores, concellos de Valga e Cuntis (Pontevedra)	149.972,50	23/09/2016
X-13069	OURENSE	Vilardevós	Afirmado de camiño en Bustelo	60.499,96	23/09/2016
X-13088	OURENSE	Xinzo de Limia	Arranxo da pista Fornos (Moreiras), pista da depuradora (Parada de Ribeira) e outras	50.000,01	23/09/2016
X-13089	OURENSE	Xinzo de Limia	Arranxo da Pista entre a Ponte da Veiga e o Mato (Laroá), Pista o Padrón (Faramontaos) e outros	50.000,01	23/09/2016

TERCEIRO.- A Consellería do Medio Rural, co obxecto de racionalizar os investimentos en obras de infraestruturas no medio rural, vén de determinar as actuacións a realizar en distintos concellos de Galicia que se desenvolverá de acordo cuns criterios básicos entre os que se sinalan:

- Contemplará proxectos que teñan que ver coa dinamización da base produtiva do medio rural, co obxectivo de dignificar e mellorar a calidade de vida da poboación que reside nestas zonas e contribuír a fixar poboación.





XUNTA DE GALICIA

CONSELLERÍA DO MEDIO RURAL

Dirección Xeral de

Desenvolvemento Rural



- Poderanse incluír obras de infraestruturas de servizos básicos elementais, como abastecemento de auga domiciliaria, saneamentos, camiños agrícolas e pistas rurais, así como aqueles proxectos singulares que, pola súa natureza, entren dentro da competencia desta Consellería.

CUARTO.- Ambas as dúas partes expresan o seu ánimo de participar e colaborar na consecución deses intereses comúns de apoio ao medio rural galego ao abeiro do Decreto 246/1992, do 30 de xullo, polo que se regulan as condicións para a execución en réxime de cooperación coas corporacións locais para a realización de obras titularidade das mesmas.

Que os intereses converxentes das partes asinantes exclúen o ánimo de lucro e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector Público, aprobado por Real Decreto Lexislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto e a fin de dar cumprimento ao preceptuado no artigo 15.2 da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela

O director xeral de Desenvolvemento Rural

ASINADO DIXITALMENTE

Miguel Ángel Pérez Dubois

